



## **XALQ DEPUTATLARI MUBORAK TUMAN KENGASHI Q A R O R I**

2022 - yil 30 - dekabr

VI-50-224-4-64-K/22

Muborak tuman hokimligi

### **Muborak tumanining 2023-yilgi mahalliy budjetini tasdiqlash to'g'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Budjet kodeksining 99-moddasi, O'zbekiston Respublikasining 2022-yil 29-dekabrda "2022-yil uchun O'zbekiston Respublikasining Davlat budjeti to'g'risida"gi O'zbekiston Respublikasi Qonuniga o'zgartishlar kiritish haqida"gi O'RQ-811-son Qonuni va Xalq deputatlari Qashqadaryo viloyati Kengashining 2022 yil 30 dekabrda VI-56-217-4-0-K/22-sonli qaroriga muvofiq hamda O'zbekiston Respublikasi Moliya vazirligining 2022-yil 29-dekabrda 01/20-32/1021-son xatini inobatga olib, Xalq deputatlari Muborak tumani Kengashi,

### **QAROR QILDI:**

1.O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuni va Xalq deputatlari Qashqadaryo viloyati Kengashining 2022-yil 30 dekabrda VI-56-217-4-0-K/22-sonli qarori ijro va rahbarlik uchun qabul qilinsin.

2.O'zbekiston Respublikasining "2023-yil uchun O'zbekiston Respublikasining Davlat budjeti to'g'risida" Qonuni va Xalq deputatlari Qashqadaryo viloyati Kengashining 2022-yil 30 dekabrda VI-56-217-4-0-K/22-sonli qaroriga muvofiq, Muborak tuman mahalliy budjetining 2023-yil uchun daromadlari 87 mlrd. 672 mln. so'm, xarajatlari 115 mlrd. 447 mln. 674 ming so'm prognoz qilinganligi hamda viloyat budjetidan ajratiladigan tartibga soluvchi

budjetlararo transfertlar 27 mlrd. 775 mln. 674 ming so‘m miqdorida tasdiqlanganligi ma’lumot uchun qabul qilinsin.

3. 2023-yil uchun Muborak tumanini rivojlantirishning asosiy makroiqtisodiy ko‘rsatkichlari prognozi hamda 2024-2025 yillarga maqsadli mo‘ljallari 1-ilovaga muvofiq, 2023-yil uchun tuman mahalliy budjeti daromadlari prognozi 2-ilovaga muvofiq ma’lumot uchun qabul qilinsin.

4.2023-yil uchun tuman mahalliy budjeti mablag‘larini taqsimlovchilarga ajratiladigan mablag‘larning cheklangan miqdorlari 3-ilovaga muvofiq tasdiqlansin.

5.2023-yil uchun tuman mahalliy budjetiga umumdavlat soliqlaridan ajratmalar normativlari 4-ilovaga muvofiq tasdiqlansin.

Bunda, ajratmalar normativlari bo‘yicha viloyat mahalliy budjeti bilan tuman mahalliy budjetining taqsimotini o‘rnatilgan tartibda Qashqadaryo viloyati bo‘yicha g‘aznachilik boshqarmasi tomonidan amalga oshirilishi belgilab qo‘yilsin.

6.2023-yil uchun tuman mahalliy budjetining daromadlari va xarajatlarining prognozi 5-ilovaga muvofiq ma’lumot uchun qabul qilinsin.

7.2023-yil uchun viloyat budjetidan tuman mahalliy budjetiga ajratiladigan tartibga soluvchi budjetlararo transfertlar miqdorlari 6-ilovaga muvofiq tasdiqlansin.

Bunda, tartibga soluvchi budjetlararo transfertlar miqdorini tumanlar va shaharlar mahalliy budjetlari daromadlari prognozi ijrosidan qat’iy nazar kamaytirishga yo‘l qo‘yilmasligi Qonunda belgilab qo‘yilganligi ma’lumot uchun qabul qilinsin.

8.2023-yil uchun tuman mahalliy budjetining tuman budjeti zahira jamg‘armasi hajmi 1 mlrd. 089 mln. 175 ming so‘m miqdorida belgilansin.

Tuman mahalliy budjetining 2023-yil uchun zaxira jamg‘armasi tasdiqlangan umumiy xarajatlarining kamida 1,0 foizi miqdorida shakllantirilsin.

Viloyat budjetidan tuman mahalliy budjetini ijro etishda ajratiladigan budjetlararo transfertlarning prognozidan oshgan qismi uchun zaxira jamg‘armasi miqdoriga aniqlashtirish kiritilmasligi inobatga olinsin.

9.2023-yil uchun tuman mahalliy budjeti shaxsiy g‘azna hisobvarag‘ida

turgan budjet mablag'larining yo'l qo'yiladigan eng kam miqdori 7-ilovaga muvofiq belgilansin.

10.O'zbekiston Respublikasining mazkur Qonuni bilan 2023-yilda xalq deputatlari tuman Kengashi mahalliy budjetni boshqarishda, xususan mahalliy budjet xarajatlarini budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2023 yilda quyidagi soliq turlari:

a) tuman budjetiga to'liq hajmda o'tkaziladi:

Jismoniy shaxslardan olinadigan daromad solig'i;

Aylanmadan olinadigan soliq;

Tadbirkorlik faoliyatining ayrim turlari bo'yicha qat'iy belgilangan soliq;

Aksiz solig'i, jami; benzin, dizel yoqilg'isi va gaz realizatsiya qilishdagi aksiz solig'i;

Jismoniy shaxslardan olinadigan mol-mulk solig'i;

Yuridik shaxslar yer solig'i;

Jismoniy shaxslardan olinadigan yer solig'i;

Yer qa'ridan foydalanganlik uchun soliq (noruda materiallari);

Suv resurslaridan foydalanganlik uchun soliq, (bundan elektr stansiyalari tomonidan to'lanadigan soliq mustasno);

Davlat boji;

Jarimalar;

Ijara to'lovlari;

Yig'imlar;

Boshqalar

qonunchilikda belgilangan miqdorlarda O'zbekiston Respublikasining Davlat budjetiga undiriladigan boshqa yig'imlar (bojxona organlari tomonidan undiriladigan yig'imlardan, g'ildirakli transport vositalari, o'ziyurar mashinalar va

ularning tirkamalari uchun undiriladigan utilizatsiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnoma berish uchun to'lovdan tashqari);

11. O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida" 2022-yil 25-oktyabrdagi PQ-409-son qaroriga asosan 2023-moliya yilidan boshlab:

a) "Obod qishloq" va "Obod mahalla" dasturlari doirasida moliyalashtiriladigan tadbirlar jamoatchilik fikri asosida "Ochiq budget" axborot portalini orqali ovoz berish yo'li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo'yicha bitta loyihalar paketi shaklida ovozga qo'yilishi;

b) Qoraqalpog'iston Respublikasi respublika budjeti, viloyatlarning viloyat budjetlari va Toshkent shahrining shahar budjetida shakllangan qo'shimcha mablag'larning 30 foizi tuman (shahar)larda jamoatchilik fikri asosida shakllantirilgan tadbirlarni moliyalashtirish uchun tuman (shahar)lar Fuqarolar tashabbusi jamg'armalariga mavjud aholi soni va mahallalar sonidan kelib chiqib, teng ulushlarda yo'naltirilishi;

v) tashabbusli budjetlashtirish jarayonlari uchun tuman (shahar) budjetlarining 5 foizi miqdorida, biroq kamida 6 milliard so'm mablag' rejalashtirilishi belgilanganligi;

g) "Obod qishloq" va "Obod mahalla" dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma'lumot uchun qabul qilinsin.

12. Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari, iqtisodiy taraqqiyot va kambag'allikni qisqartirish bo'limi, tuman hokimligi moliya bo'limi (B.Sodiqov), tuman Davlat soliq inspeksiyasi (A.Ravshanov) tuman hokimligi va mas'ul bo'limlar va tashkilotlar bilan birgalikda:

Tuman mahalliy budjetini birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjet prognoz ko'rsatkichlarni o'z vaqtida va samarali bajarish;  
budjet mablag'laridan maqsadli va samarali foydalanish;  
budjet intizomiga rioya etilishi ustidan nazorat va mas'uliyatni yanada kuchaytirish;  
tuman mahalliy budjetiga soliqlar va boshqa majburiy to'lovlarning to'liq tushumini ta'minlash;  
budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

13.Tuman davlat soliq inspeksiyasi (A.Ravshanov) O'zbekiston Respublikasi Soliq Kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

er solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzдорligiga yo'l qo'ymaslik choralari ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq bazasini oshirish;

Kadastr agentligi tuman bo'limi (J.Otamurodov) bilan birgalikda tumanda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

14.Tuman Davlat soliq inspeksiyasi (A.Ravshanov), Kon-geologiya faoliyatini nazorat qilish mintaqaviy inspeksiyasi hamda tuman hokimligi bilan

birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo'shimcha manbalari hisobidan "marksheydrlik" xizmatlaridan foydalanish lozimligi alohida belgilab qo'yilsin.

15.Majburiy ijro byurosi tuman bo'limi (U.Ziyodullayev) tuman Davlat soliq inspeksiyasi (A.Ravshanov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

16.Tuman hokimi o'rinbosari (A.Imomov) hamda tegishli tashkilot rahbarlari bo'sh turgan obektlardan samarali foydalanishni tashkil etish markazining Qashqadaryo viloyat hududiy boshqarmasi bilan birgalikda:

tumanda bo'sh turgan davlat mulki obektlarini aniqlash bo'yicha xatlov ishlarini samarali tashkil etish;

xatlov natijalariga ko'ra tumanda mavjud bo'sh turgan davlat mulki obektlari ro'yxatini shakllantirish;

shakllantirilgan ro'yxatga asosan bo'sh turgan davlat mulki obektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki obektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki obektlarini «e-ijro auktsion» maydonchasi orqali sotish ishlarini tashkillashtirish.

17. Tuman Davlat soliq inspeksiyasi (A.Ravshanov), tuman hokimligi moliya bo'limi (B.Sodiqov) Davlat aktivlarini boshqarish agentligi viloyat hududiy boshqarmasi bilan birgalikda davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar tomonidan 2023-yilning 1-iyuliga qadar 2022-yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2023-yilning 1- sentyabridan kechiktirmay budjetga o'tkazilishini ta'minlasin.

18.Tuman hokimligi, Monopoliyaga qarshi ko'rashish qo'mitasi viloyat hududiy boshqarmasi (S.Sodiqov) bilan birgalikda tashqi reklama obektlarini to'liq xatlovdan o'tkazgan holda, ushbu tashqi reklama obektlari bo'yicha shartnomalar tuzish choralarini ko'rsin hamda ushbu shartnomalar bo'yicha yig'imlarni budjetga to'lanishi ustidan doimiy nazorat o'rnat sin.

19. Tuman irrigatsiya bo'limi (N.Sharipov) va tuman Davlat soliq inspeksiyasi (A.Ravshanov) tuman hokimligi bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetga to'liq undirib olish choralarini ko'rsin.

Bunda, qishoq xo'jaligi korxonalari tomonidan iste'mol qilinayotgan suv resuslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

20.Tuman ichki ishlar bo'limi (F.Tayloqov), tuman yo'l harakati xavfsizligi bo'limi (B.Yusupov), majburiy ijro byurosi tuman bo'limi (U.Ziyodullayev), tuman adliya bo'limi Davlat xizmatlari markazi (M.Ro'zimurodov) hisoblangan boj, jarima va yig'imlarni o'z vaqtida o'rnatilgan tartibda budjetga undirish choralarini ko'rib borsin.

21.Davlat moliyaviy nazorati viloyat boshqarmasi xalq ta'limi, maktabgacha ta'lim va sog'liqni saqlash bosh boshqarmalarining ichki audit xizmatlari bilan birgalikda:

budjet intizomiga qat'iy rioya etilishi ustidan doimiy monitoring ishlari kuchaytirish;

o'tkazilgan nazorat tadbirlari yakuni bo'yicha kamomad va noqonuniy o'zlashtirishga yo'l qo'ygan soha rahbarlarining hisoboti xar chorakda eshitib

borishni ta'minlash so'ralsin.

22.Xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasiga:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o'tkazish va budjet qonunchiligiga to'liq rioya etilgan holda Kengash qaror loyihasini ishlab chiqish;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

23.Tuman hokimligiga:

tuman budjeti jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirishni;

bunda, xalq deputatlari tuman Kengashi, yoshlar ishlar agentligi, tuman hokimligi huzuridagi jamoatchilik Kengashlari hamda hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishni tavsiya etish;

mahalliy budjetning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan obektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda hokimlikning rasmiy veb-saytiga joylashtirib borish topshirilsin.

24.Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari, iqtisodiy taraqqiyot va kambag'allikni qisqartirish bo'limi tuman hokimligi va tegishli tashkilotlar bilan birgalikda:



mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha xalq deputatlari tuman Kengashiga chorakda kamida bir marotaba hisobot kiritib borsin.

25. Xalq deputatlari tuman Kengashining 2021-yil 30-dekabrdagi VI-35-89-4-64-K/21-sonli "Muborak tumanining 2022-yilgi mahalliy budjetini tasdiqlash to'g'risida"gi qarori o'z kuchini yo'qotgan deb hisoblansin.

26. Ushbu qaror ommaviy axborot vositalarida e'lon qilinsin hamda hokimlikning rasmiy veb-saytiga joylashtirilsin, ushbu qaror rasman e'lon qilingan kundan boshlab kuchga kiradi.

27. Mazkur qarorning bajarilishini nazorat qilish xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi zimmasiga yuklansin.

**Kengash raisi**



**A.O.Aripov**

Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
1-ilova

**Muborak tumanining 2023 yilga rivojlantirishning makroiqtisodiy  
ko'rsatkichlari prognoz ko'rsatkichlari hamda 2024-2025 yilga mo'ljallari**

| № | Ko'rsatkichlar  | 2023 yil uchun<br>prognoz | Mo'ljal  |          |
|---|---|---------------------------|----------|----------|
|   |   |                           | 2024 yil | 2025 yil |
| 1 | Sanoat mahsulotlarining o'sish sur'ati, foizda                                      | 112.9                     | 113.2    | 113.6    |
| 2 | Qishloq, o'rmon va baliq xo'jaliklarida ishlab chiqarishning o'sish sur'ati, foizda | 102.1                     | 102.3    | 102.5    |
| 3 | Xizmat ko'rsatish o'sish sur'ati, foizda  | 112.5                     | 113.2    | 114.1    |
| 4 | Qurilish xajmini o'sish sur'ati, foizda   | 105.3                     | 108.2    | 109.6    |
| 5 | Chakana tovar aylanmasining o'sish sur'ati, foizda                                  | 106.9                     | 108.3    | 110.2    |

Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
2-ilova

## Muborak tuman mahalliy budjeti daromadlarining 2023 yildagi asosiy prognoz ko'rsatkichlari

ming so'mda

| T/R            | Daromad turlari   | Jami                 |
|----------------|---|----------------------|
| 1              | Yuridik shaxslardan olinadigan foyda solig'i  |                      |
| 2              | Aylanmadan olinadigan soliq   | 3 522 000            |
|                | Jismoniy shaxslardan olinadigan daromad solig'i   | 121 000 000          |
|                | Ajratma me'yori   | 30                   |
| 3              | Tuman mahalliy budjetiga Jismoniy shaxslardan olinadigan daromad solig'i  | 36 300 000           |
| 4              | Qo'shilgan qiymat solig'i   |                      |
| 5              | Tadbirkorlik faoliyatining ayrim turlari bo'yicha qat'iy belgilangan soliq  | 550 000              |
| 6              | <b>Aksiz solig'i, jami</b>  | 8 000 000            |
|                | - benzin, dizel yoqilg'isi va gaz realizatsiyasidan soliq   | 8 000 000            |
| 7              | Yuridik shaxslarning mol-mulkiga solinadigan soliq  |                      |
| 8              | Jismoniy shaxslarning mol-mulkiga solinadigan soliq   | 4 000 000            |
| 9              | Yuridik shaxslar yer solig'i  | 25 400 000           |
| 10             | Jismoniy shaxslardan olinadigan yer solig'i   | 4 700 000            |
| 11             | Yer qa'ridan foydalanganlik uchun soliq (noruda materiallari)   |                      |
| 12             | Suv resurslaridan foydalanganlik uchun soliq  | 3 700 000            |
| 13             | Davlat boji   |                      |
| 14             | Jarimalar   |                      |
| 15             | Ijara to'lovi   | 300 000              |
| 16             | Davlat tashkilotlarining sof foydasidan daromad   |                      |
| 17             | Yig'imlar   | 1 200 000            |
| 18             | Xususiy lashtirish  |                      |
| 19             | Boshqalar   |                      |
| <b>JAMI</b>    |   | <b>87 672 000</b>    |
| 17             | Mobil aloqa xizmati va alkogol mahsulotlari, shu jumladan pivo uchun aksiz solig'i tushumlaridan tegishli ravishda o'tkazib beriladigan daromad |                      |
| -              | Alkogol mahsulotlari, shu jumladan pivo   |                      |
| -              | Mobil aloqa xizmati   |                      |
| -              | Tamaki mahsulotlari   |                      |
| 19             | Tartibga soluvchi budjetlararo transfertlar   | 27 775 674.0         |
| <b>HAMMASI</b> |   | <b>115 447 674.0</b> |

Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
3-ilova

## 2023 yil uchun Muborak tuman mahalliy budjeti mablag'larini taqsimlovchilarga ajratiladigan mablag'larning cheklangan miqdorlari

ming so'mda

| №         | Ko'rsatkichlar  | miqdori              |
|-----------|---|----------------------|
|           |   |                      |
|           | <b>Xarajatlar miqdori, Jami</b>   | <b>115 447 674.0</b> |
|           | shu jumladan:   |                      |
|           | joriy xarajatlar  | 115 447 674.0        |
|           | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                      |
|           | Advokatlik xizmatiga haq to'lash uchun ajratilgan mablag'lar  |                      |
|           | Tuman va shahar mahalliy budjetlariga transfertlar  |                      |
| <b>1.</b> | <b>Maktabgacha ta'lim bo'limi</b>   | <b>5300 000.0</b>    |
|           | shu jumladan:   |                      |
|           | joriy xarajatlar  | 5 300 000.0          |
|           | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                      |
| <b>2.</b> | <b>Xalq ta'limi bo'limi</b>   | <b>6 802 000.0</b>   |
|           | shu jumladan:   |                      |
|           | joriy xarajatlar  | 6 802 000.0          |
|           | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                      |
| <b>3.</b> | <b>Sog'liqni saqlash bo'limi</b>  | <b>42 246 120.0</b>  |
|           | shu jumladan:   |                      |
|           | joriy xarajatlar  | 42 246 120.0         |
|           | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                      |
| <b>4.</b> | <b>Madaniyat bo'limi</b>  | <b>1 305 000.0</b>   |
|           | shu jumladan:   |                      |
|           | joriy xarajatlar  | 1 305 000.0          |
|           | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                      |
| <b>5.</b> | <b>Sportni rivojlantirish bo'limlari</b>  | <b>2 106 500.0</b>   |
|           | shu jumladan:   |                      |
|           | joriy xarajatlar  | 2 106 500.0          |
|           | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                      |
| <b>6.</b> | <b>Bolali oilalarga va kam ta'minlangan oilalarga nafaqalar va kompensatsiyalar</b>                 | <b>25 937 863.0</b>  |
|           | shu jumladan:   |                      |

|            |   |                    |
|------------|---|--------------------|
|            | joriy xarajatlar  | 25 937 863.0       |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>7.</b>  | <b>Obodonlashtirish boshqarmasi</b>   | <b>7 252 085.0</b> |
|            | <i>shu jumladan:</i>  |                    |
|            | joriy xarajatlar  | 7 252 085.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>8.</b>  | <b>Fermerlar buxgaltenriyasini saqlash xarajatlari</b>  | <b>849 621.0</b>   |
|            | <i>shu jumladan:</i>  |                    |
|            | joriy xarajatlar  | 849 621.0          |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>9.</b>  | <b>Irrigatsiya bo'limi</b>  | <b>1 388 007.0</b> |
|            | <i>shu jumladan:</i>  |                    |
|            | joriy xarajatlar  | 1 388 007.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>10.</b> | <b>Ichki xo'jalik avtomobil yo'llarni ta'mirlash xarajatlari</b>                                    | <b>3 000 000.0</b> |
|            | <i>shu jumladan:</i>  |                    |
|            | joriy xarajatlar  | 3 000 000.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>11.</b> | <b>Veterinariya va chorvachilikni rivojlantirish bo'limi</b>  | <b>798 856.0</b>   |
|            | <i>shu jumladan:</i>  |                    |
|            | joriy xarajatlar  | 798 856.0          |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>12.</b> | <b>Davlat boshqaruv organlarini saqlash</b>   | <b>7 714 003.0</b> |
|            | <i>shu jumladan:</i>  |                    |
|            | joriy xarajatlar  | 7 714 003.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>13.</b> | <b>Maxalla va nuroniylarni qo'llab-quvvatlash bo'limi</b>   | <b>2 770 485.0</b> |
|            | <i>shu jumladan:</i>  |                    |
|            | joriy xarajatlar  | 2 770 485.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>14.</b> | <b>Tuman hokimligining zaxira jamg'armasi</b>   | <b>1 089 175.0</b> |
|            | <i>shu jumladan:</i>  |                    |
|            | joriy xarajatlar  | 1 089 175.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |
| <b>15.</b> | <b>Ijtimoiy ko'nikma markazi</b>  | <b>73 084.0</b>    |
|            | <i>shu jumladan:</i>  |                    |
|            | joriy xarajatlar  | 73 084.0           |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar |                    |

|            |  |                    |
|------------|--|--------------------|
| <b>16.</b> | <b>Hokim yordamchilarining tavsiyalari asosida mahalla infratuzilmasini yaxshilash xarajatlariga</b> | <b>814 875.0</b>   |
|            | <i>shu jumladan:</i>   |                    |
|            | joriy xarajatlar   | 814 875.0          |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar  |                    |
| <b>17.</b> | <b>Fuqarolar tashabbusi jamg'armasiga yo'naltiriladigan mablag'lar</b>                               | <b>6 000 000.0</b> |
|            | <i>shu jumladan:</i>   |                    |
|            | joriy xarajatlar   | 6 000 000.0        |
|            | ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar  |                    |

Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
4-ilova

## Umumdavlat soliqlaridan tuman mahalliy budjetiga 2023 yildagi ajratmalari me'yorlari

foiz hisobida

| T/R | Shaxar va tumanlar nomi | Yuridik shaxslardan olinadigan foyda solig'i | Aylanmadan olinadigan soliq | Jismoniy shaxslardan olinadigan daromad solig'i | Yakka tartibdagi tadbirkorlar uchun jismoniy shaxslardan olinadigan daromad solig'i | Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i | Yuridik shaxslarning mol-mulkiga solinadigan soliq | Jismoniy shaxslarning mol-mulkiga solinadigan soliq | Yuridik shaxslar yer solig'i | Jismoniy shaxslardan olinadigan yer solig'i |
|-----|-------------------------|--|-----------------------------|---|---|--|--|---|------------------------------|---|
| I   | Muborak tumani          | 0  | 100                         | 30  | 100   | 100  | 0  | 100   | 100                          | 100   |

| T/R | Shaxar va tumanlar nomi | Yer qa'ridan foydalanganlik uchun soliq (noruda materiallari) | Suv resurslaridan foydalanganlik uchun soliq | Davlat boji | Jarimalar | Yig'imlar | Davlat unitar korxona-larining sof foydasidan ajratma | Davlat mulki bo'yicha ijara to'lovlari | Xususiy tash-tirish | Boshqalar |
|-----|-------------------------|---|--|-------------|-----------|-----------|---|--|---------------------|-----------|
| I   | Muborak tumani          | 100   | 100  | 0           | 0         | 100       | 100   | 100                                    | 0                   | 0         |

Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
5-ilova

**Muborak tuman mahalliy budjetining  
2023 yil daromadlari va xarajatlariing chegaraviy hajmi**

*ming so'mda*

| <b>Budjetlar nomi</b> | <b>Daromad *</b> | <b>Xarajat</b> |
|-----------------------|------------------|----------------|
| Muborak tumani        | 87 672 000.0     | 115 447 674.0  |

*\* mobil aloqa xizmatlari uchun, alkogol maxsulotlari, shu jumladan pivo va tamaki mahsulotlari uchun aksiz solig'idan tushumlar bo'yicha o'tkazib beriladigan daromadlar bilan birgalikda.*



Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
6-ilova

**Muborak tuman mahalliy budjetiga 2023 yilda yuqori budjetdan ajratiladigan tartibga soluvchi budjetlararo transfertlar miqdorlari**

| <i>ming so'mda</i>        |  |
|---------------------------|--|
| <b>Shahar va tumanlar</b> | <b>Tartibga soluvchi<br/>transfert miqdori</b> |
| Muborak tumani            | 27 775 674.0                                   |

Xalq deputatlari Muborak tuman  
Kengashining  
2022 yil 30 dekabrda  
VI-50-224-4-64-K/22-son qaroriga  
7-ilova

**Muborak tuman mahalliy budjetida 2023 yilda yo‘l  
qo‘yiladigan eng kam mablag‘lar miqdori**

*ming so‘mda*

| <b>T/r</b> | <b>Hudud nomi</b> | <b>Miqdor</b> |
|------------|-------------------|---------------|
| 1          | Muborak tumani    | 589 585.0     |